

testantibus Archivis ab Rosiero prolatis. *Richecourt* haud procul Lacu, qui vulgo *la Garde Lac*, unde amnis profluit, qui inter Fanum S. Nicolai & opidum *Rosieres* Murtæ miscetur. *Remiremont* ad sinistram Mosellæ, Insulam ibi facientis, in Lotaringiæ Meridionalissimis: *Rumaricum Castellum*, habet hic Aimoinus Monachus: *Adromarici* corrupte legitur apud Reginonem, pro *Rotmarici*, divisim: *Rimelsberg* Germanice nominatur Spigelio ad Bartholini Austriad. Spectantur haud procul inde Valles, quæ vulgo *l'Esfraye & Vagny*. *La Motte* ad amnem situm est, qui mox in Mosa se exonerat. Visitur ibi Territorium, cui nomen *le Sanctoy*. Sunt & Comitatus quidem Imperii Salmensis, *Kirchinganus & Blancoburgius*. *Blanckenburgh*, Gallis *Blancmont* Opidum est non magnum, sed pulcrum & amœnum. Spectatur ibi Castrum Verus, spaciosum & magnificum, cui Palatium Novum Ducis, venusta structura insignis, est conjunctum. Incolæ Agriculturæ dant operam. *Nomenii* Baronatus est ad dextram Sellæ fluvii, tribus milliaribus ab Urbē Mediomatricum, Meridiem versus. Dominia sunt *Marsal* ad Sellæ sinistram, haud procul Lacu Linderō, in quod Insula cum Opido *Techemful*. *Remere-ville* tribus Nanceio milliaribus. S. *Bellefont*, totidem Mota. *Rambert-Ville* ad dextram Mortonæ, haud procul fonte, ubi Silva *Mortanensis*. *Rosieres* ad Murtam, prope Fanum D. Nicolai, duobus Nanceio milliaribus. *Homburg* grandiore Leuca ab Opido *Sarburk*, ad amnem, qui mox Saravo concurrat, *Mariemont* ab Monte, cui Opidum impositum, uno ab Linderō Lacu milliari, Meridiem versus. *Sandacourt* medio fere itinere inter Vaudimontem & Mortam, in Agro, qui vulgo *Sanctoy*. Mediomatricum Urbem, quæ cum Tullo aliisque Imperialis olim erat, in suam potestatem redegit Galliarum Monarcha, Henricus II. Ea nunc dicitur vulgo *Metz*, & posterioris ævi Scriptoribus *Metz*, Gregorio autem Turonensi & aliis Urbis *Metensis*: *Divodurum Mediomatricum* Antiquis fuit appellatum. Itineraria Tabula: *Divodurum* Tacito lib. IV & Antonino. Variorum Nugas de recentis Nominis ratione non lubet adscribere. Sedes olim fuit Regni Lotaringiæ, De ea eleganter Petrus Divæus in Itinerario. *Metensis Urbis in ampla sita est planicie, quam Mosella in varios divisus alveos irrigat, & pars quidem ejus muros ad levam lambit, pars & eosdem subit, ut Civium usibus inserviat atque sic divisim fluit ad inferiorem usque eorum ambitum, ubi recepto Sella, altero Flumine, qui dextram nr̄bis partem adluit, in unum denuo alveum colligitur. Sed Situ imprimis ipsius urbis delectabamur, quum enim Agrum late circumjacentem planum habeat, ejus tamen area paullum prominet, ut in eo Veterum rationem in condendis urbibus agnoscas, Ad summum siquidē templum multis gradibus ascenditur, juxta quod Forum rerum venalium altiorē totius ar̄e partem occupat, & ab eo undique versus muros paullatim descenditur, prærupto tantum in una parte clivo, ubi Vias duas lapideis stratas sic dispositas videas, ut altera per alterius domorum culmina excurrat, Cives Mediomatrices nominantur in Inscriptione, quæ extat Moguntia ad S. Albanum. Quæ *Toul*, vernacule, Tullum olim: *Tullon* Leucorum Opidum Ptol. *Tullum* Antonino: *Tullium* Itinerariæ Tabulæ. Quæ denique *Verdun*, Latinis vocatur hodie *Virdunum* & *Verdunum*: *Verodunum* Antonino dicitur. Civitas *Verdunensis* in Notitia Provinciarum: *l'Evesché de Verdun*, Leguntur autem tres urbes, quas commemoravi, Comitatus etiam titulo & dignitate insignes,*

Mey W. Meier

*Peter Meier de
et A. G. G. G.*

Mey J.